

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>




www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>





金剛恐怖集會方廣軌儀觀自在菩薩三世
最勝心明王大威力烏樞瑟摩明王經

北天竺國三藏阿質達霰譯

金剛恐怖集會方廣軌儀觀自在菩薩三世最勝心明王大威力烏樞瑟摩明王經



清刻龍藏佛說法變相圖

金剛恐怖集會方廣軌儀觀自在菩薩三世
最勝心明王大威力烏樞瑟摩明王經卷上

北天竺國三藏阿質達震譯

止

敬禮一切佛復次諸菩薩爾時會中無量俱

胝明仙之所圍遶摩醯首羅天王大部多主

止

從座而起頭面著地前禮金剛手菩薩摩訶

薩足作是言菩薩惟願演說大威力者不空

無礙教令諸無比力勇健者金剛菩薩所愛

樂者諸天阿脩羅梵王帝釋所歸仰者夜叉

羅刹毗多擎布單那所怖畏者降怨敵者辦

諸事者曼荼羅法所祕密者時彼眾會同讚

摩醯首羅言善哉作意善哉善哉大部多主

為我等類決定勸請爾時金剛手菩薩逶迤

抽擲金剛杵已便下金剛莊嚴蓮華之座顧

彼眾會即入怖畏金剛大忿怒徧喜三摩地

然後無量百千俱胝所爲報障有皆大振懾
悉見其身爲烏樞瑟摩所押伏命將欲盡如
過劫燒其意迷悶俱發聲言惟願哀憐施之
無畏爾時金剛手菩薩摩訶薩從三摩地安
詳而起告徒衆言大威德者大光明者大忿
怒者如法所言如是薄伽梵大威德者大忿
怒者大光明者爾時薄伽梵金剛手菩薩摩
訶薩如師子顧作此瞻視唱如是言大部多
主我今說烏樞瑟摩祕密曼荼羅法若暫聞
者一切事業皆悉成就不有非時天橫但諸
惡事皆不及身毗那夜迦伺不得便一切衆
生之所愛敬一切怨敵常皆遠離一切密言
皆得成驗諸金剛法任運當成一切不祥即
得解脫一切吉慶常當加護若持此明滿十
千徧即同登壇具足灌頂如遇明師之所傳

授次復當陳烏樞瑟摩曼荼羅相先應具受
三歸八戒發菩提心慈惠悲愍其立壇地應
當擇處若於山間或在莊居或於曠野或在
寒林或在淨室或河岸側或獨樹下或閑宅
祠宇如法治地建曼荼羅三肘四肘或復八
肘亦十六肘若降伏法三肘三角若寂災法
四肘或八肘若增益法及爲國王十六肘作
用黑月八日或黑月十四日以心密言加持
清水用灑其地又以紫檀摩一圓壇布以祥
草上散赤迦囉尾囉華以塗香衆華散於壇
上加持佉馱囉橛一百八徧釘入大壇四角
及中成結地界乃作根本徧擲印誦密言七
徧取紫檀徧塗地以五色線緝爲界道四角
四門運以黃赤綠黑乃於壇心畫佛佛左傍
畫金剛手菩薩持杵有諸使者及金剛鉤明

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



蛇捧杵瞻仰菩薩次左烏樞瑟摩明王持青
 難拏此言以夜叉及阿脩羅眾并訶利帝母
 及其愛子等為侍從皆瞻仰明王於東北角
 大自在天王執三股叉并妃東方天帝釋執
 金剛杵東南隅火天執繚戾捧南方閻羅王
 執娜拏西南隅寧帝執劍西方水天執赤索
 西北方風天執緋幡北方毗沙門執伽那三
 面畫毗舍蛇眾東門內畫三股叉守護以新
 瓶皆滿盛淨水及寶物五穀等以綠色纏頂
 取一口瓶置佛前安紫檀杵於口上餘瓶皆
 以赤華或草木枝塞口四角四門各置一瓶
 佛前置兩段衣服充供養金剛聖眾乃至天
 等亦用衣服每尊皆置飲食香華壇外非梵
 界道壇外正其瓶先持一千八徧乃置之請
 諸尊依法引弟子誦金剛三昧耶密言纔令

弟子耳聞散華所至彼尊有緣如法灌頂若
 登此壇即同入一切曼荼羅訖一切天魔毗
 那夜迦皆悉順伏命終生阿拏迦嚩典宮毗
 門大復次重說無上秘密曼荼羅以黑月八
 日或十四日可稱讚地而建立之四肘四門
 布以五色或博炭末於中畫佛次右觀自在
 菩薩次右馬頭明王大忿怒形佛左金剛手
 菩薩次左大威力烏樞瑟摩明王大忿怒形
 佛前麼麼雞金剛部母四角置一瓶佛前一
 瓶以不截絲覆之名勝瓶外壇東北隅大自
 在天王執三股叉并妃於餘隅畫半杵或杵
 印以香華飲食供養如法引弟子灌頂所用
 物充以心密言加持復次契相根本徧擲印
 先正立極力引左足頓地向左亞身右手握
 大指成拳申臂令豎左手為拳約著心舒頭

指如針眉間顰蹙目當專注此徧擲印乃能怖畏諸障難者阿脩羅門所有關鍵亦能摧破大忿怒印並雙手中名小指等互以面相著其大指捻其三甲便相握成拳舒頭指各如針此契能作一切事業縛撲請召辟除卒忤又令遠離能殺枯瘁護身普焰印手背相著指頭垂下名下合掌乃深交諸指二小指如針大開掌二大指互捻頭指甲側此契能成一切事業

杵印雙手內相又為拳舒左中及頭指右中頭指亦然二中指相合微屈頭指各近中指傍大指相並押無名側打車棒印右手握大指成拳
剪刀印結次前印舒頭中指如剪刀股徐動之大牆院印結前棒印極開二頭指頂印結

次前大牆院屈右頭入掌如餘指頭印如大牆院屈左頭指入之

甲印准牆院屈二頭指相拄如環此印有大威力能作一切事業

復次畫像法用縹徑方兩肘依口酬價乃以

牛糞摩壇豎縹於內以赤華飲食供養因食

良工圖如來像坐師子座手作說法相以左手大

指頭指頭相捻並舒中名小三指右手亦然及以右手仰掌橫約著心以右手腕著左手

名小指等頭以掌向外散其三指也

如來左畫金剛手菩薩右手執杵左作問法

相著其五指微屈之如仰鍬形引手向前掌向如來也

次左畫大威力烏樞瑟摩明王大忿怒形目

赤色通身靛黑色舉體焰起而有四臂右上

手執劔次下縹索左上打車棒下三股叉器

仗上並焰起如來右金剛部毋麼麼雞多髮

美貌通身艷色胡跪合掌恭敬白佛部母右
 行者胡跪兩手執香爐供養其縹勿經打汗
 無毛髮者勿用臭色及有命之色其畫匠每
 日受三歸八戒長齋具大善心新衣清潔行
亦爾勿離其傍速成焉
上後有畫像亦准此也

復次於此像前面東誦根本密言乞食禁語
 兀如枯木當印制底如是相續滿六十萬遂
 即登山建立前秘密曼荼羅持劍作大壇用
 阿伽嚧沉香也充紫鬱金華和白檀香燒之晝
 夜成持明仙之首得一切悉地有大威力壽

齊日月命終生阿拏迦囉典宮

若置訶哩多攤雌黃或安善那眼藥或麼曩始攤
雄黃或捧准前作火壇功力同劍若食乞食於
 一月內無間念誦取白月十五日畢其日布
 像敷阿說佉葉廣府有之於像前加持三金赤金銀

娜拏七徧置上加持之焰起劫壽有大威力
 一切阿脩羅一切夜叉羅刹鬼神諸天皆大
 順伏若三金娜拏一月內加持之日滿准前
 加持焰起持之劫壽身等大威力明王

若人以三金杵代娜拏焰起身同金剛手菩
 薩若以三金輪代杵焰起身如日輝成明仙
 中輪王

若又絕食三日黑月八日布羊躑躅葉葛塔
 葉是於像前補沙鐵鉤長八指於葉上右手
 而加持焰起執之洞視土地位同帝釋遊戲
 三十三天天龍鬼神欽伏

若絕食一日黑月八日或十四日布阿說佉
 樹七葉於像前置雄黃於上加持焰起塗之
 持明仙煙隱暖熱善行若於山頂誦十萬徧
 天大威力烏樞瑟摩明王現甚可怖畏執心

止四

六

勿懼云須何作白言薄伽梵成就一切事但
乞一願持明仙或降阿脩羅或召諸天皆悉
隨意

若於吉祥門首布像誦三十萬徧訖阿脩羅
女自出迎之可將五百人同入彼輩作障身
便乾枯

復次畫像法取兩肘縹畫大威力烏樞瑟摩
明玉身赤色怒形狗牙露出密目即如狸眼髮
黃色上衝左持杵右娜拏行者食不淨食與
瘡像前誦三十萬徧所作皆辦

若於吉祥門首面北布像行者面南苦棟薪
作火壇進毒藥末芥子已血滿一千八脩羅
女子身如火燒獻長生及點化藥不受藥者
諸女携手同入其宮先有明者我當三彼不
畏那羅延業轉壽多劫尊貴快樂身有光明

種種神變命終生天

若於吉祥門首布像作火壇燒縹華子一千
八滿三日乃結根本徧擲印彼門即開無障
而入

若有龍水岸布像作火壇燒鹽滿一千八龍

出受命隨意驅使止四

若先絕食三日置像審銘柴此云作火壇芥

子油和芥子燒滿一千八能召一切人天

若以鹽成悉底哩置像作火壇片片割進火

中日三時令盡滿七日稱名百由旬內至

若以諸天空祠廟中布像阿說佗薪作火壇

若棟葉和芥子油進其中一千八徧日三時

經七日即有天神來現云作何事隨意驅使

若先絕食三日以黑月八日或十四日於大

自在天王前石陵伽南以右手掩上加持須

史有大聲者三天王現受驅使不現彼身乾
 枯若准前先三日絕食黑月八日或十四日
 布像作火壇進羊躑躅華一千八徧又執其
 華加持一徧擲打夜叉女膝即相敬若要長
 生藥眼藥金銀寶玉等悉皆從命若以佉馱
 羅木作三股叉絕食三日以日月蝕時寒林
 中布像以香華飲食廣以供養右手持叉加
 持之又焰起止後於夜分豎叉於地七寶堂
 宇現是人前天女繽紛充滿其處云欲何所
 作歌舞音樂種種驅使將曉去又如故

若取一屍無癡痕者洗浴之置大河側首東
 仰卧日正午四面各令一丈夫執刀而立行
 者屍心上坐取雄黃內屍口中加持之藥若
 變熱一切貴敬煙生隱光昇空
 若絕食三日黑月八日或十四日布像廣陳

供養以阿樞迦木合盛素嚕合二但引戰曩藥

此是藥名帶赤黑色重比金出天竺未塗目中仰視日能奪其光見日中有者為真耳

置像前加持之熱貴敬煙生遁形焰起持明
 仙身光如日圓滿可愛壽七千歲

若絕食三日黑月十四日寒林中取無癡痕

屍以香湯洗浴之止四以頭向東卧著香華供養

行者髀形被髮屍心上坐取白淨髑髏滿盛

白色芥子置屍口上加持之芥子盡隱執髑

髑騰隱自在為一切騰空隱者之首

復次不擇淨穢食與不食先誦三十萬徧又

以應肘量一肘或二肘或三肘或四畫大

威力烏樞瑟摩明王作大怒形左持杵右娜

拏左視龍為瓔珞龍作蛇形明王左畫大寒林及

行者於明王右畫山座以赤華飲食供養黑

月八日於制帝布像廣設供養作大壇以烏

曇跋囉充薪進赤色未開華滿一千八其日

三時即成驗能作一切事法人天貴

若眼藥法取尾避多迦木毗梨木合子盛素嚕

二但引戰曩月蝕置像前加持之得熱煙焰

生三種驗功力同前若取犬舌以三金鏤裹

月蝕時加持煙生口含藏形

若口含縛極葛蒲根也持密言取三種成驗熱得

一切總持不忘煙生藏形焰起作持明仙若

於山頂誦九十萬徧為持明王

若乞食禁語誦四十萬徧絕食一日黑月十

四日於制帝前布像廣設此供養并作火壇

進安息香丸一千八其日三時作小持明王

若食乞食安息香伴紫礦汁進火中滿十萬

徧見用

若取麼戶保怛哩迦此云天冬根進火中一千八

徧迦那至

若水中立至臍誦十萬徧一切伏藏盡現能

開枷鎖止業輪起死人勝冤敵若月蝕牛糞

作壇布像以赤銅椀盛赤胭牛酥置中加持

執食之總持不忘煙生長生焰起藏形

若以烏曇跋囉薪作火壇芥子黃芥中麼沙

云天竺毒藥以血和之進火中一千八伏藏自

現結根本徧擲印又執法羅木杵向前降之

寶物涌出

若絕食於恒河側誦三十萬阿脩羅門開若

稱吽字降山山碎禁諸江海能令枯竭

若絕食於寒林中誦四十萬徧梵羅刹及諸

鬼神作美貌而現受命若驅使遲違稱吽字

打地一下彼當殞絕稱莎縛賀再生大自在

天王廟中絕食誦十萬徧大自在天王現以

香華供養問訊從天王乞其一切道術如意
成驗若於大自在天王妃前絕食誦十萬遍
妃現隨心乞願不現彼死或乾枯
若依前法誦密言欲令梵天夜摩兜率及天
帝釋等一切天王現並得如意

若取一屍稱呬字以足加屍首令聲足齊下
屍當起大叫持劔斷其首成黃金不者屍叫
告之有捨嚙嚙某甲持始羅來如意

若以補沙鐵作劔月蝕時加持焰起持之身
同大自在天王

若補沙鐵作斧月蝕時止四加持焰起持之十為毗
舍者王

若補沙鐵作刀子月蝕加持焰起持之為明
仙王功用最勝壽命尤多

若以蟻墳土塑成形行者以足加心上作壇

白芥子毒藥及血置於左手中以右手捻燒
經七日日一千八王貴敬族亦爾
若食乞食誦四十萬徧制帝前布像供養以
蜜栗罽薪作火壇并取其果進一萬顆為持
明王天龍順伏

若加持華或果七徧贈人貴敬

若一日不食黑月八日布像阿說佗薪作火
壇進黑油麻一千八王臣貴敬

若三日絕食進酥蜜酪白芥子於火中一日
三時二千八滿七日為持明王

若鍊酥滿一千八經三日王貴敬

若取舍多華此云茴香華酪蜜酥相和進火中一

千八滿七日即得金錢一百

若燒秬米乳粥一千八日三滿月五穀盈溢
用之不竭

止四

十一

若紫檀栳和酥內華於中進火一百八徧日
三滿七日迦那至

若從黑月一日起布像邊迦薪作火壇烏麻
油和酥迦瞻摩樹華一內一燒一千八滿七
日後金錢八文

若乳和蜜相加以青蓮華一兩一燒滿三十
萬伏藏盡現

若召人大寒林中布像香華供養紫檀栳成
彼形佉馱木作火壇男從右女從左足起一
割一燒令盡百由旬外一月而至

若大寒林中布像紫檀摩壇水和王蹤下土
一把塑成形從右足割進火中令盡敬重若
寒林中布像香華飲食供養進虞麼娑於火
中滿一千八貴敬

若進阿底目迦多華於火中千萬徧貴敬

若大寒林中尾避多迦木作火壇進麼訶麼
娑晝夜一切毗舍遮眾梵羅刹等敬重若捨
嚩嚩令梵羅刹為病

若悉馱薪作火壇初生犢子糞和紫檀栳作
丸進之日三時時一千八滿二十七日得牛
千頭

若截白檀香內杉木脂進火中日三時時一
千八滿二十一日得大莊五所

若截杉木進摩咄囉火中一千八滿七日得
金錢一千文

若食麩及水布像供養坐吉祥十五日念誦
勿間絕食三日黑月十四日布像供養以白
芥子油然燈乃截黑阿迦噓此云沉香進鉢囉奢
薪火中一千八像形動或目動或作吽聲若
形動為持明輪王

止四

十二

若名香和牛酥進火中一千八得羣牛牛不走失疫病

若酥蜜相和又內炒稻穀華於中進過迦火中滿十萬五穀盈溢

若取紅蓮葉進河中流入海者滿六箇月次絕食三日白月八日布像供養烏麻油和名香截紫檀木抄進火中晝夜大吉祥天現以白檀闕伽供養天云須何願白言持明輪王天從行者口入無礙即得如意無有天龍鬼神爲怨敵者

若酥蜜酪相和一內名華進過迦火中一千八妻妾貞潔

若黑月八日酥蜜相和內炒稻華於中進火中一千八日三時滿七日得千戶大莊
若供養像黃芥子和鬱金進嚙吒薪火中一

日三時時一千八滿七日國王貴敬

若供養像阿底目迦多薪作火壇進其華於中滿十萬大臣貴敬

若供養像進夜合華於火中一千八妃貴敬

若取衆名香蜜和作迦那形充七日割進火

中日一千八貴敬

止四

十三

若海鹽和芥子油燒日三時時一千八經一月族姓人貴敬

若寒林中坐髑髏上寒林薪作火壇進血於中晝夜茶吉現以血充闕伽供養之云有何事隨意乞大願天神貴仰

若大寒林中黑月十四日取髑髏形屍內進火中從日入至夜半梵羅刹作忿怒形而爲奉教後日得衣兩事金錢一百文
若取寒林華鬘進火中一千八首陀貴敬

若以蠟作毗舍遮形割進火中毗舍遮眾現
為奉教後日得衣服

若截阿樞迦無憂也稍惜愚多油進火中經一

月為持明王

若進薰陸香於阿樞迦火中日三時時一千

八經一月得大莊

若以飲食香華供養像以其華一誦一散像

前滿一百萬徧為持明王

若取摩勒迦華飲食供養散其華十萬見用

若常持念此密言者無眾諸衰難

若酥烏麻油一日三時時一千八進火中經

七日得大疾

若加持佉馱羅極一百八釘入怨人家內彼

善心相向

若龍華鬚進佉馱火中日一千八經一月迦

那至

若酥蜜相和一內苗香華進阿波末哩迦此云

牛火中滿十萬家內七寶自涌

若酥蜜酪和阿波末哩迦子進屈嘑迦薪火

中滿十萬王貴敬

若黑月一日阿樞迦樹下度體迦末敷華一十四

內酥蜜酪中進火中滿十萬得金錢一千文

若制底前布像供養進俱羅吒迦華於佉馱

羅火中滿七日大威力烏樞瑟摩現滿願若

進阿杜華於佉馱羅炭火中一千八七日伏

藏現

若進阿伽悉地華於苦棟火中一千八經七

日得金錢一文

若以內摩勒地華酥蜜酪中進瞻葡迦火中

經一年共誦一十萬得金錢十萬文

若以泥塑縛羅四紫檀供養持密言盡夜彼當長喘與行者黃金一斤

若流入海河立其水至膝用阿迦羅充燒香以名華一動進水中滿十萬為大持明王入天歸命

若截阿佗樹枝一內酥蜜酪中燒之十萬徧為小持明王

若油麻酥蜜酪相和進火中滿十萬見用若截松木進火中十萬徧見用

若酥蜜相和截蜜栗嚙樹根一內一進火中滿十萬大富

十四

十五

若黑月八日供養像華和鬱金華進火中一日三時時一千八滿七日大富

若有龍水邊白月五日布像供養龍腦香龍華鬚和進火中滿十萬其龍貴敬得寶珠十

萬顆

若黑月八日大自在天王廟中一內阿底目迦多華於酥蜜酪中進火中一日三時一千八滿七日得大莊五所若進訥縛草也若進火中滿十萬長壽

若進屈野迦欲敷華於審銘火中滿十萬王女敬重

若秬米和烏油麻祖進脂俱吒火中一千八饒奴婢

金剛恐怖集會方廣軌儀觀自在菩薩三世最勝心明王大威力烏樞瑟摩明王經卷上音釋

懾質入切 輦輦毗宥切 鍵巨履切
懾怖也 輦六切眉攢也 鍵戶綸切
縹徒叶切 醜疾正 痞符鄙切 癩蒲官切
縹國布縹也 醜也 痞美二切 癩瘡痕也

金剛恐怖集會方廣軌儀觀自在菩薩三世

最勝心明王大威力烏樞瑟摩明王經卷中

止五 北天竺國三藏阿質達霰譯

若秬米和牛酥進火中十萬徧生有相之子

若杉木脂和酥進火中十萬徧增七寶財若

以飲食香華供養像前地上畫人或王行

者心上坐誦十萬徧彼并族貴敬

若白芥子鬱金華和進迦越惹火中日三時

時一千八滿七日王族貴敬

若麼沙末芥子油和塑為囉惹形從初夜割

進鉢囉奢薪火中令盡彼貴敬

若烏麻油秬米和煮又以烏麻油和進火中

日三時時一千八滿七日首陀貴敬

若烏麻粗進火中一千八迦那貴敬

若秬米粉成捨嚙嚙取脂俱吒枝為楪加持

一千八徧釘口不能語

若寒林炭畫梵羅刹誦一萬令捨嚙嚙摩囉

寧若解彼呪法者以香華飲食供養像像面

向北人對之芥子毒藥血和進味達迦多薪

火中一千八彼當失驗

復次羯磨壇先對像面東念誦畢便作此壇

於大河海側或大寒林中或高山上如法摩

地訖准前畫院開一門正方八肘當中畫大

威力烏樞瑟摩明王於右畫惹稜多者哩嚙

明王怒形斜目又於左畫阿吒吒僧伽明王

入門門右角內畫大自在天王并妃又於門

左角內畫那羅延天王四臂皆執器仗又於

北方畫伽那一角內金剛杵西方赤索一角

阿跋邏羅龍王印畫一小階階上畫一南方

一口黑色劔壇內諸尊並坐以心密言加持

灰於壇外正方作梵界道以飲食香華供養
凡入壇物皆以心密言加持之取雄黃以石
研成粉牛乳和為丸五布阿說陀葉於壇中
以藥丸置上行者以忿怒形加持之焰起取
一丸施與諸天以一丸施與先成持明者以
一丸施給侍者止五餘丸研塗額上喉及心成天
明仙身生瓔珞其髮右旋宛轉紺色異常貌
同諸天壽一千歲若煙生王諸隱形仙若熟
能令一切衆生喜見柔伏供給財寶壽年百
歲若三相不現塗額衆人貴敬

若以雌黃或牛黃代雄黃亦得驗

若黃丹和己身血置淨髑髏中安前壇上加
持焰起取少塗額王一切天仙餘相准前

若沐浴衣邏結差囉細囊縹熏香壇中坐持
明身上焰或起煙生熱等功力准前

若取紅蓮鬚龍華鬚末之酥蜜和之金椀盛
置壇中加持之焰起藥成甘露服之成自在
天身壽遠劫不復飢渴煙生藏形熟總持不
忘壽千歲無病一切衆生貴敬

若月蝕時立壇赤銅椀盛殺羊乳加持之焰
起服之王一切天仙壽如日月焰不起壽一
百歲得大勝利

若補沙鐵作杵長十六指以紫檀徧塗之黑
作行者澡浴徧體塗灰禁語加持又三十萬
候月蝕以置壇中加持焰起持又身成大自
在天王面有三目止五威力亦等煙生之王諸隱
形仙熱有大威力

若補沙鐵作杵長十六指以紫檀徧塗之黑
月八日或十四日月蝕時立前壇於道路取
少淨草布中置杵於草上取黃牛酥一加持

一澆杵上滿一千八諸鬼神及毗那夜迦并
阿吒吒訶僧見勿畏結娜拏印持明彼皆退
散然執之加持焰起持之得帝釋位具足千
目王三十三天阿脩羅衆皆來頂禮納其女
子力伏魔王煙生王隱形仙熱壽百年天龍
順伏若作三金輪天寒林木立前壇准前置
輪澆酥一千八壇中右手執輪加持焰起成
諸仙輪王威力倍勝首羅及帝釋神仙歸仰
命終生阿拏迦縛典宮若佉馱羅木作劍以
三金鏤裹三處山頂布前壇以右手持之加
持之加持令劍作青色便住立其地先布少
淨灰以劍頭當灰中柱之一切隱身諸仙並
現作禮旋遶而去取其灰少少分布與人彼
得灰者皆成天仙
若佉馱阿木作伽那以赤華髮掛於伽那上

准前置執加持焰起成毗沙門天王大力夜
叉之主無量鬼神而為給侍便往阿拏縛典
官壽一大劫若素嚕二但引戰曩末以麼囉
二合華及葉掌中和林候和之為糝
合頷銘乾和擣津又洋滿一千徧和之為糝
以金椀盛之又以金椀蓋之准前澆酥滿千
乃置椀於掌中加持焰起糝塗目中飛騰自
任諸天圍遶給侍壽遠劫
復次阿毗遮嚕迦法大寒林中立壇以心密
言加持已血一徧灑其地候乾又灑清水又
以寒林灰塗之寒林灰界壇院三角三肘開
止五
北門門外畫羅刹髮上豎怒形以人骨莊嚴
之右手掌一觸髓盛血作向口飲勢壇心畫
娜拏印焰起三角各畫佉吒望迦及毗舍遮
衆以大肉祀羅刹毗舍遮前置酒行者躡形
被髮以頭中名三指塗已血於額兩肩心喉

大怒心左遶壇行一市立稱烏樞瑟摩名更
灑已血於壇以赤華鬘遶壇院一市秬米飯
和血置髑髏中安壇中人骨和髮爲焚香又
一髑髏滿盛血赤華鬘纏之又以三髑髏壇
前支纏華者煎之行者蹲踞坐持人脛骨攪
血仍咬牙嚙齒大怒形持密言血中焰起有
無量聲喧空必不損人慎勿怖其阿吒吒訶
僧及諸鬼神身皆焰起以種種惡形來現云
須何願隨意乞之若國家有大陣敵或惡人
毀除三寶令擊之皆大喪敗若不擇時日依
前作三角壇唯除華鬘纏髑髏并支者以建
吒迦此云棘也薪作大壇髑髏棘毒藥棘和血進
火中一千八捨嚩嚩摩囉寧

止五

五

形四臂一手掌髑髏第二手娜拏第三手人
頭第四手杵衣虎皮禪黑月八日大寒林中
布像以黑飲食赤華供養行者蹲踞坐以灰
畫捨嚩嚩血和芥子置一髑髏中行者於捨
嚩嚩上蹲踞坐以建吒迦薪作火壇進血芥
子於中晝夜非反摩囉寧三夜作一家七夜
作七族一月夜尾曬也
若墓田或殯宮布之蹲踞坐進鹽和血於建
吒迦火中一千八摩囉寧
若布像像前以灰或炭或稻糠灰畫彼形心
上坐進血和灰於寒林殘薪火中晝夜家摩
囉寧惹七夜
若寒林中布像取其炭棘和水作捨嚩嚩法
馱羅木椽長兩握塗血於釘華佗哩娜乃坐
椽上持明一千八日三時滿三日摩囉寧

若行者內衣於血中披之水立至齋持明血
乾披亦然

若寒林中布像犬肉芥子油和進火中一千
八經十五日摩囉寧

復次扇底迦壇於淨室或河岸作方四肘准
前壇樣圖之當中畫金剛部母右畫金剛拳
明妃左畫金剛鎖明妃部母前一角內大威
力烏樞瑟摩明王一角內金剛手菩薩四角
內及壇心皆布阿樞迦葉葉上各安一水瓶
以香華飲食供養用鉢囉奢薪作火壇進酥
稱麼雞明滿一千八又進牛乳每徧稱烏樞
瑟摩莎縛訶一千八官事散病愈矣

若准前七日作國內疫差若壇前油麻油酪
蜜酥和進前薪火中日一千八七日病差事
散

止五

六

若依前立壇布像取像內牛乳中出之又布
進牛酥於前薪火中一千八瓶盛少香水加
持七徧將瓶就彼病人處以灑彼面云願汝
即差其瓶滿盛清水置壇中持一千八令浴
之差矣若烏曇跋羅木作匙先三誦三策酥
乃進阿說佗薪火中次一誦一進稱彼病者
名一千八差矣

若加持秬米飯和乳與食經七日差矣

若依前布壇像截烏曇跋羅枝一內乳進審
銘薪火中一千八經七日彼差

若布像取油麻油酥蜜酪和進審銘薪火中
一日一千八經七日摩囉寧

若進乳於審銘薪火中滿萬摩囉寧

若內像於乳或酥布之進乳審銘火中又加
持香水灑彼面差

若酥煎美餅及酪蜜酥乳等供養像以秬米飯和酪或酥乳蜜和進阿說佗火中日三時時一千八滿七日致富

若佛殿或神廟中依前供養像進龍腦香於穀木火中日三時時一百八滿七日七寶六

畜增長

止五

七

復次以白檀香木刻本尊長六指行者頂戴水中立至項盡日持密言家內行疫鬼死三日作城內疫差鬼去七日作境內差鬼去

若以阿說佗木與前壇像作座以牛糞於路

上作壇安像供養然牛酥燈像面向西行者

面東坐草團上捧白檀香水以奉請密言加

持七徧迎本尊降入像中惹底華一名蘇末那一

內乳中進火中盡夜當莊內疫差七徧作國

內差

復次以鬱金畫本尊行者受八戒持齋頂戴像設旛華燒香供養引之右遶莊一市疫差復次按俱咤木或阿說佗木刻本尊於四衢路以香華飲食供養人髮并骨棘之進按俱咤火中日三時時一百八徧當莊疫差

復次補沙宿直日此云鬼宿飲食香華供養阿說

佗樹因取其北引根牛五淨和少清水持莖

草揩洗之或鬼宿直日市紫檀木依前洗之

日月初摩一方壇置木及所刻像刀斧等於

中以根本密言加持紫檀木香水七徧洗之

行者八戒十善壇西進酥於火中七徧結根

木及娜拏印令匠於壇中速刻本尊左手持

杵右執娜拏怒形左視如立勢如立根本印

行者在側持明勿絕令日月畢以檀香水浴

之以飲食香華供養以彩色嚴之像額間點

赤或黃至來月一日開日立壇以飲食安息
香華供養三寶其日於壇像前起首持明十
萬乃候月蝕立壇布像像面西飲食紫檀香
華供養之燒安息香娜拏印加持之印焰起
入行者頂持明王有聲見用若海或河側供

養本像作佛手一坵量

佛手一坵今人之三
坵以二尺四為准也

制帝十萬誦密言三十萬徧乃以黑月八日
或十四日供養加持焰起為明王

復次黑月八日依儀供養按俱咤樹取其根
本尊右手舒五指以掌拓心左手持杵左足
踏毗那夜迦右足踏娜拏令娜拏一頭押毗
那夜迦取按俱咤華和芥子油進按俱咤火
中晝夜令滿一萬徧夜半作大聲現候至午
佉馱羅木和芥子油中進按俱咤火中一千
八滿七日毗那夜迦死若進乳於火中一千

八寂災

若以蟻墳土作毗那夜迦形應肘量大寒林
中立壇置形於佉馱羅木長十指和毒藥及
血進佉馱羅木火中滿萬徧夜半形作大聲
得其悉地後作毗那夜迦法皆成就不被惱

亂

復次於應肘量縲上畫大威力明王左上
掌髑髏下手豎頭指擬勢右上手持娜拏下
手杵像前畫一毗那夜迦胡跪合掌左足下
踏一毗那夜迦立壇布像以赤華飲食紫檀
香供養取一內進苦棟火當乃諸惡鬼神以
種種形見作吒訶吒訶聲慎勿懼毗那夜迦
啓言有何事喚我勿與語得毗那夜迦悉地
後無畏難若被毗那夜迦作障難者像前誦
一千八難止若水立至項結娜拏印誦一千

八彼眾退散

若取五穀及新果并名香置一瓶中滿盛清水以菴羅葉塞口牛糞摩壇置瓶於中加持一百八徧若毗那夜迦為病或遭鬼魅或年十六已下人諸鬼神所中者浴差婦人過月不生浴之即產薄福之人浴之罪滅致富

若加持菖蒲根一千八口舍訴訟得理

若進阿鉢羅指多華火中滿一萬辟兵

若誦密言七徧以頂上少髮作一結辟兵

若童女合縹華作七結繫臂不為諸毒所中

若鬼魅所中加持水灑其面結娜拏印持明差矣

若治毒加持清水灑彼面若未差或加持苦棟葉七徧掃彼身差

若為諸龍所傷者加持清水一百八令服之

差

若惡瘡丁瘡加持土七徧和水塗之差

若遇怨敵結娜拏印誦明一百八彼發善心相向若止惡官亦爾

若為人抵犯者結娜拏印彼不能語

若恒憶念此密言者本尊隨逐眾魔不近止盜賊水火辟五兵延年

若欲先加持之七徧服之辟眾毒

若人患心狂或為人厭令爾者結娜拏印彼耳邊誦七徧差

若療前狂病以二瓦^{止五}椀相合結娜拏印^十彼耳邊誦七徧撲破其椀差

若療痲癬加持烏麻油七徧塗腹差

若加持淨水散於十方一誦一結縹線滿七繫臂自護護佗

若自經穢但誦之解矣

若加持右大拇指七徧以其印額誦一徧次

右肩次左肩次心次喉成護身辟師子虎狼

及諸怖畏

若晨朝沐浴心華供養本尊誦一百八辟兵

災橫見歡喜

若有官事或怖畏依前供養持明止矣

若國家大兵敵者布像內阿波末哩迦牛子

蘇蜜酪中進阿波末哩迦薪火中滿萬敵退

若療藥毒牛糞作壇布像截佉默羅木二一

一枚加持七徧點芥子油進火中

若中鬼魅加持一瓶清水一百八令浴差

若被禁繫持密言枷鎖解脫

若療癩加持紫檀香一千八塗之差

若菖蒲根止五和蜜加持一千八服之療冷癥十一

若患瘧加持恒山華一千八令頂戴差

若患癩癩或及惡風者進萎華於佉默羅木

火中一千八差

若令童子沐浴塗紫檀香衣以新衣瓔珞牛

糞塗壇徧散赤華令頭戴赤色華鬘加持赤

華七徧令捧而掩目焚安息香結娜拏印加

持本尊降問事

若步多鬼中者素囉娑藥和香燒結娜拏印

加持彼被縛赦之差

若芥子囉寧糝彼形割進火中令形支七日摩

囉寧

若寒林灰於髑髏上畫彼人寒林柴火炙之

持明如火七百內摩囉寧諸術不解

若寒林炭和水埽彼形或以其炭畫之以釘

釘口加持二十一徧或一百八不能語

若依前燒畫口上燒苦棟火心上坐毒藥血鹽芥子和進火中一百八同前

若准前燒畫頭上坐心上燒火摩囉寧

若依前燒畫釘心脚上坐澆水於釘上滿一

百八水病摩囉寧若去釘加持乳一百八與之浴復

若加持素尾爛戰此藥青色以鐵生 秣一百八塗目

見者貴敬

若加持清水一百八洗面謁王貴敬

若加持清水一百八洗面訴訟得理

若蛇皮進苦棟根火中或佉馱羅木火中日

三時亦一千八滿七日摩囉寧

若於淨室或四衢路中或寒林中日午截鷄

翅進摩訶迦羅火中一千八如鷄飛

若進乳於火中一千八復

止五

十二

若離合三日絕食午時進蛇肋骨於赦惹火中一千八滿七日

若以血毒藥夜半進寒林薪火中一千八經七夜摩囉寧

若誦部母密言進酥火中一千八又誦根本

密言進牛乳於火中一千八復

若先三日不食大自在天王廟中有名相處布像

華廣設供養便眠夢本尊告言其處有伏藏可取之

若黑月八日夜半淨室或寒林中血和毒藥

一內摩吐囉子進摩咄囉火中一千八滿七

夜烏嗟娜曩若進酥於火中一千八

復次像前先誦十萬徧三日勿食第四日二

時入水中立至喉結娜拏印或打車棒印或

杵印或羅索印或劔印持明至夜半出於岸

側以莽度迦薪此云甘草大壇先火壇先以莽

度迦木刻其印一內木印於酥蜜中燒之至

止後以印印山山碎印海海竭

若蛇咬印之彼求哀赦之差

若印人彼被縛

若印枷鎖即解脫

若印毒藥服之無苦

若欲作一法以印助之速驗

若惡人相向作瞋心印之彼吐血或失心

若患鬼魅及風癩加持黃芥子七徧打面差

若進虎爪火中七徧不被虎傷

若加持苦棟根一千八繫臂無一切畏

若加持摩訶迦羅根一千八置門頰上一切

鬼病不入

若加持頂上少髮作一結一切處無怖畏

若絕食一日黑月八日或十四日制底立壇

安像供養於金剛部母前燒安息香誦一千

八便敷草眠吉凶具告

復次止雨以紫檀作壇布像香華飲食供養

持明止矣

若惡雨雪雷電結杵或娜拏印持明止矣

若祈雨黑月十四日大河側以蟻墳土瘞龍

龍葉芥子油和徧傳之以足加龍首結娜拏

印加持之盡日止雨足

若以牛皮白月五日寒林炭秣和水傳皮白

上作龍前一日三時時一千八進苦棟葉於

火中經七日雨足

若前法不驗者寒林中以其炭畫作四肘方

壇開南門於中畫大威力明王前畫三五頭

龍龍皆首北次南畫一池池中青蓮華次池

南又三五箇龍龍亦首北四角內各畫一池池內青蓮華并三兩箇龍門內畫一龍七首首北以毒藥糝和血內縹華子於中進火中滿一千八諸龍以蛇形而現宛轉于地語令急下雨加持水七徧灑龍赦去兩足

若誦金剛部母密言一千八十五白月七日於制

帝布根本像以飲食香華供養芥子和酥進

火中一千八罪障清淨

若以穢處土和水成彼形行者每小遺其上

一遺加持一百八滿七日彼貧賤若勃哩孕

迦華摩勒迦林及清水置瓶中勃哩孕迦葉

塞口加持一千八令浴復

若加持華或果一千八贈人貴敬

復次應肘量縹晝夜又女勿用膠美白艷色

瓔珞鐺釧天衣嚴飾右手施願左手執阿樞

迦葉布此像於阿樞迦樹下面北立壇以惹

底華或勃哩孕迦華并飲食供養心密言加

持香燒之行者面南草團或華葉上坐加持

阿樞迦華一徧擲像上滿十日以第七日夜

半於像前一內阿樞迦華酥蜜酪中進阿樞

迦火中一千八現獻紫檀闍伽如願夫打額

若一日不食黑月八日或十四日午時寒林

中芥子糝成彼呪師所尊形徧塗毒藥於刀

子刃持一千八徧稱彼尊名困截形為兩段

彼失驗十五

若准前成形加持乳一千八浴之如故若寒

林中以生酥成彼尊形加持五釘各一百八

稱彼尊名於額及兩肩喉心各釘一釘彼失

驗去釘如故

若瓦椀中以寒林炭畫彼形尊形又以一瓦椀蓋之取黑羊毛線纏椀加持一千八徧彼呪師身如被縛失驗

若有諸呪師能為大神通者寒林中寒林炭和毒藥糝之進其薪火中一千八徧稱彼名失驗

若誦金剛部母密言進酥於火中一百八稱彼名如故

若先三日不食寒林中或淨室或四衢中紫檀香青木香糝和水埭迦那以寒林炭和毒藥充火炙形加持一百八相親彼被障患癩依前加持水瓶令浴差

若旗幡上寫密言持之入陣辟兵

若以樺皮寫密言置髻中入陣刀箭及身猶如散華有何患也

若紫礦糝和水一內勃羅得迦子於中進竹火中一千八諸呪師欽伏

若以人骨代勃羅得迦緹准前行者身安寧若紙或樹皮寫密言頭戴辟兵

若加持土塊一百八擲於水中然涉之水性之屬不能傷人

若加持緹華線一百八次誦一結滿七繫臂路行辟劫盜

若以木刻金剛杵一千八先一日不食進火中令盡一切金剛部法成驗

若霹靂木刻作^{十五}三股杵有大雪雷電降右手持杵降山或佗境雪等移往其處

若以摩咄囉莖刻格立壇置中人髮供養之取一樹果一千八顆以其樹充薪進果令盡矩瑟吒

金剛恐怖集會方廣軌儀觀自在菩薩三世

最勝心明王大威力烏樞瑟摩明王經卷下 止六

北天竺國三藏阿質達霰譯

大威力烏樞瑟摩明王經心密言事法

復次求心密言成驗法行者不拘淨穢食與

不食持滿十萬當得悉地

止六

若取線一加持一結一千八徧戴之自護護

作

若加持黃芥子或灰或水散十方辟魔

若加持頂上髮作結所至之處皆獲勝利

若加持衣角七徧作一結訴訟得理

若遭囚閉枷鎖誦心密言即得解脫

若良田土及灰以蜜和之加持塗一切瘡生

肌

若梵羅刹中人至困者結心印持明差

若旃陀羅家灰滿盛鉢中毒藥糝和水加持

灑灰上置地加持之旋轉捕盜

若黑月八日魚肉及血祀摩醯首羅右邊夜

又面執人骨槩加持一千八徧稱彼名擣紅

藍華汁塗槩用釘入地烏蹉娜囊

若加持鴟脛骨一百八徧釘彼門下如鴟飛

若絕食三日黑月八日或十四日寒林中以

其灰布彼形佉馱羅木槩五枚各加持一百

八徧釘額喉心及兩肩摩囉寧不者以一槩

釘肢節少沙若離合黑月八日日方午或夜

半進寒林灰於苦棟樹皮火中一千八徧

若夜半蛇脫皮鼠狼肉一內芥子油中進摩

訶迦羅火中經七夜尾娜末沙囊

若離合進俱奢得鷄果於勃羅得迦火中一

日三時時一千八徧至滿七日

若寒林中或淨室中進勃羅得迦果於水掣
迦火中一千八徧辟大力鬼神若勃羅得迦
子青木香和油麻油進勃羅得迦火中一千
八徧至滿七日矩瑟吒加持紫檀香一千八
徧塗之復

若灰鹽毒藥糝止六和進火中一千八徧痊癖

若一日不食黑月八日寒材灰和魚膽作人
形割進佉馱羅火中夜半起貴敬

若三日不食黑月十四日寒林立壇以香赤
華赤食飲供養以已血於觸髑上畫迦那寒

林炭火炙之仍加持一千八徧自至

若夜半進稻穀秣於火中一千八徧烏柘吒
囊

若林中華鬘蛇皮和進火中一千八徧入罽
囉

若進胡椒於火中一千八徧悉多哩貴敬

若微赦迦及摩那果內芥子油中黑月八日

寒林中進其火中日以三時時一千八徧至
滿七日彼即貴敬

若夜半彼髮苦棟葉并子和牛尿進火中一

千八徧三徧烏柘吒囊

若黑月八日寒材灰塑人形本尊前割進佉
馱羅火中即至加持果七徧贈之轉貴敬矣

若麼沙已血和鹽進經用齒木火中一千八
徧囉拏貴敬

若每晨誦一千八徧常得安寧止六

若芥子鹽血和進經用齒木火中一千八徧
囉拏貴敬

若午時薰胡翅和芥子油進苦棟木火中一
千八徧烏柘吒囊